

ma'anungu ku mataa Kuatū

sua Kuatū ia, iku tamna manung tangria. aranai miaa kuosiau,
arakukunu cu kim marisinatū. nakai 'apaco'e manung tangria. 'apanapa 'una
pa'anungua. paira noo nima'anungu cu. patuturu kim maraini misee.
makasua pakacumuru katangria tamna cupungu.

'una ucani taniara. tia kim kiatuturu kari Kanakanavu. meesua tia
skingi tumatimana mataa marisinatū. niroimi Kuatū mavici siarisinatū.
mapinipini sumasuruvai 'ikua siarisinatū. vanai sii sua Kuatū ia tangria
maku manung. maramu ku mastaaan manung siarisinatū suruvai 'inia.
matirupangu sikingi, nimaroka siarisinatū misee sua nguain. tikirikirimian
ka'anū atūnūn, cucuru 'akia cu! musu'uvu 'ikua makasi: "cucuru maraini!
niparoka maku siarisinatū musu ... nakai tia ku mai'i kasua ucani vo'orua"
tumaitmana ku kari in, surumu arasurutu! meesua, aka kari maku makasi:

niparoka musu siarisinatū maku, mupupangu maraini misee maamia,
manung kara makasia?" arakuracu kavangvang sua Kuatū makasia:
"musu'uvu cu ku kasua. tia pa ku mai'i vo'orua siarisinatū, tia pa ku
makananu?" marivari ku: "puaka ku kasua!" maucung Kuatū 'akia kari.

taniara meesua. ikim tassa, aka kavangvang cupungu mia. ka'anū cu
tavara'u tumatimana takituturu tamna kari.

matirupangu kiatuturu. arapana'u Kuatū iaavatu. movua 'ikua ucani
vu'a. putuvurukūn maku cumacu'ura. 'una ucani vo'orua siarisinatū. 'una
pa ucani sinatū, marisinatū 'inia: "cucuru maraini! niparoka maku
siarisinatū musu, atiumoo siasu'uvu maku!" 'esi na ciciri meesua cina.
kesoni 'ikua, miseni makasia. makasi 'ikua cina: "sua tangria ia,
tia 'aparuranu. musu'uvu cu Kuatū. mai'i pa vo'orua. koo nguain matangiri
paroka 'inia. manung yurusu 'inia. tia pa kasu musu'uvu aka kari musu."
akini taniara. maka'una cu kim aramanungu, makai campe pa.

arakukunu kəkūnang marisinatū. cucuru 'apanapa 'una
ma'anungu, 'apanapa 'una parapusu. nakai tia paruranu, tia pasoso'e, tia
parucupungu. makasuin ka'anū cu tia miakaka tangria tamna cupungu. tia
arasurusuru katangria.

我與 Kuatu 吵架了

我和 Kuatu 從國小起就是同班同學，是很好的朋友，偶爾也會爭吵。每次爭吵過後，我們都能夠互相諒解，這使我們的友誼越來越深厚。

有次族語課是聽寫考試。Kuatu 忘了帶筆，急忙地向我借筆。因為是好朋友，我挑了一支最好的筆借給她。考完後，筆竟然遺失了，找來找去就是不見蹤影！很抱歉地說：「對不起！把你的筆弄丟了，我會還給你一支新筆」。我莫名其妙的生起氣來！口氣非常差的說：「妳把我的筆弄丟了，隨便道個歉就可以嗎？」Kuatu 也生氣了，她說：「我已經道過歉了，也答應賠償妳一支新筆，妳還要我怎麼樣？」我立刻說：「我討厭妳！」Kuatu 沉默無語。這一天我們心情都不好，老師講的課我們也沒聽進去。

放學後 Kuatu 跑過來，把一個盒子給了我。回家打開一看，裡面有一支新筆，還有一張字條，上面寫着：「對不起！我把妳的筆弄丟了，請接受我的道歉！」媽媽在一旁問了我事情的經過，對我說：「朋友之間要互相幫助，既然 Kuatu 道歉、賠償了，她是不小心弄丟的，妳應該原諒她，你該為你無禮的話向她道歉。」第二天，我們和好如初。

同學間發生爭吵、矛盾難免，只要我們互相幫助、諒解、寬容，就不會影響我們的友誼，而且會更增進。